

(<https://news.usm.my>).

Berita Mutakhir

# 26 NOV

## NAJIBAH TERIMA ANUGERAH NADI NEGARA 2017



KUALA LUMPUR, 23 November 2017 – Alumni Universiti Sains Malaysia (USM), juga siswazah yang baru melalui upacara konvokesyen ke-55 USM baru-baru ini, Najibah Ismail antara penerima Anugerah Nadi Negara 2017 hari ini.

Berlangsung di Pusat Dagangan Dunia Putra (PWTC), alumni dari Pusat Pengajian Ilmu Pendidikan ini membawa pulang trofi, sijil dan wang tunai.

Najibah merupakan seorang pelajar yang aktif dan pernah memegang jawatan Bendahari Majlis Perwakilan Pelajar (MPPUSM) serta kerap terlibat dalam program-program kepimpinan universiti. Tahun lalu, penerima dari USM bagi anugerah ini adalah Mazni Mohd Zuki dan tahun sebelumnya Mohamad

Shafiq Kamarudin.

Anugerah Nadi Negara 2017 ini diadakan sempena Perhimpunan Agung UMNO yang akan berlangsung awal Disember nanti.

Anugerah ini diberikan kepada siswazah cemerlang dalam bidang akademik, kokurikulum serta mempunyai ciri kepimpinan berkualiti semasa pengajian di universiti.

Bagi Anugerah Nadi Negara 2017, yang juga penganjuran kali kelapan tahun ini, seramai 25 siswazah terdiri daripada 20 siswazah Universiti Awam, dua siswazah Universiti Swasta, seorang siswazah lepasan universiti luar negara menerima anugerah masing-masing yang disampaikan oleh YB Menteri Pendidikan Tinggi, Dato Seri Idris Jusoh.

Teks: Hafiz Meah Ghouse Meah/Foto: Najibah Ismail



Share This

**Pusat Media dan Perhubungan Awam / Media and Public Relations Centre**

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : [pro@usm.my](mailto:pro@usm.my) (<mailto:pro@usm.my>).

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>).

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015